

全上古三代秦漢
三國六朝文

晉

第五
函十冊

全晉文卷八十一

烏程嚴可均校輯

陸喜

喜字恭仲一作文仲吳郡吳人吳選曹尚書瑁第二子孫皓時累遷至選曹尚書入晉爲散騎常侍

自敘

劉向省新語而作新序桓譚詠新序而作新論余不自量感子雲之法言而作言道觀賈子之美才而作訪論觀子政洪範而作古今厯覽蔣子通萬機而作審機讀幽通思立四愁而作娛賓九思真所謂忍愧者也

晉書陸喜傳

西州清論較論格品篇

或問子辭瑩最是國士之第一者乎荅曰已理推之在乎四五之間問者愕然請問荅曰夫孫皓無道肆其暴虐若龍蛇其身沈默

其體潛而勿用趣不可測此第一人也避尊居卑祿代耕養立靜
守約沖退澹然此第二人也侃然體國思治心不辭貴己方見憚
執政不懼此第三人也斟酌時宜在亂猶顯意不忘忠時獻微益
此第四人也溫恭脩慎不爲諂首無所云補從容保寵此第五人
也過此已往不足復數故第二已上多淪沒而遠悔吝第三已下
有聲位而近咎累是已深識君子晦其明而履柔順也問者曰始
聞高論終年啟寤矣

晉書陸
喜傳

陸玩

玩字士瑤喜弟英之第二子元帝鎮江左引爲丞相參軍累加
奮武將軍後爲王敦長史敦平拜侍中遷吏部尚書轉尚書左
僕射領本州大中正咸和中封興平伯轉尚書令左光祿大夫
開府儀同三司加散騎常侍遷侍中司空卒贈太尉諡曰康
上表自陳

臣實凡短風操不立階緣嘉會便蕃榮顯遂總括憲臺豫聞政道
竟不能敷融立風清一朝序咎責之來于臣已重誠以身許國義
忘曲讓而懷懷所守終于陳訴者特已端右機要事務殷多臣已
盈六十之年智力有限疾患深重體氣日弊朝夕自勵非復所堪
若偃息苟免職事竝廢則莫大之悔天下將謂臣何乞陛下披豁
聖懷霽然垂允

晉書陸
玩傳

重表

臣比披誠款不足上暘天聰聖恩徘徊厲已體國臣聞至公之道
上下互同用才不負其長量力不受其短雖加官重祿無世不有
皆庸勳親賢時所須賴兼統已濟世務非優崇已榮一人臣受遇
三世恩隆寵厚豈敢辭職事之勞求沖讓之譽徒已端右要重興
替所存久已無任妨賢曠職臣猶自知不可況天下之人乎今復
外參論道內統百揆不堪之名有如皎日願陛下少垂哀矜使四

海知官不可已私于人人不可已私取官則天工弘坦誰不謂允

晉書陸
玩傳

疾甚上表

臣嬰邁疾沈頓歷月不蒙痊損而日夕漸篤自省微絲無復生
望荷恩不報孤負已及仰瞻天覆伏枕實涕臣年向中壽窮極寵
榮終身歸全將復何恨惟願陛下崇明聖德弘敷宏化會構祖宗
之基道濟羣生之命臣不勝臨命遺戀之情貪及視息上表已聞

晉書陸
玩傳

與王導牋

僕雖吳人幾爲傖鬼

晉書陸玩傳玩嘗詣導
食酪因而得疾與導牋

辭瑩

瑩字道言沛郡竹邑人吳太子少傅綜次子歷祕書中書郎孫
休時進散騎中常侍孫皓初爲左執法遷選曹尚書領少傅出

爲武昌左部督坐事徙廣州尋召還復爲選曹尚書遷光祿勳
入晉爲散騎常侍有後漢紀一百卷新議八篇集三卷

爲吳主皓請降書

吳郡孫皓叩頭死罪昔漢室失統九州分裂先人因時略有江南
遂分阻山川與魏乖隔今大晉龍興德覆四海閭閻劣偷安未喻天
命至于今者猥煩六軍衡蓋路次遠臨江渚舉國震惶假息漏刻
敢緣天朝含弘光大謹遣私署太常張夔等奉所佩印綬委質請
命惟垂信納呂濟元元
吳志孫皓傳晉書王濬傳案薛瑩傳云
皓奉書于司馬伯王渾王濬請降其文瑩
所造也

後漢紀光武贊

王莽之際天下雲亂英雄并發其跨州據郡僭制者多矣人皆冀
于非望然攷其聰明仁勇自無光武儔也宏寬博納計慮如神是
已任光寶融望風景附馬援一見睹顏識奇故能已十數年間埽

除羣凶清復海內豈非天之所輔贊哉古者師不內御而光武命將皆授弓方略使奉圖而進其違失無不折傷意豈文史之過乎不然雖聖人其猶病諸

御覽九十一

明帝贊

明帝自在儲宮而聰允之德著矣及臨萬幾約身率禮恭奉遺業一己貫之雖夏啟周成繼體持統無己加焉是日四海乂安四夷賓服斷獄希少有治平之風號曰顯宗不亦宜乎

御覽九十一

章帝贊

章帝己繼世承平天下無事敬奉神明友于兄弟悉省徭賦綏靜兆民除苛法蠲禁錮抑有仁賢之風矣是己陰陽洽和而百姓安樂眾瑞并集不可勝載攷之圖籍有徵云爾

御覽九十一

安帝贊

安帝之初委政太后十有餘年及親萬幾佞邪始進閹宦用事寵

加私愛阿母王聖勢傾朝廷遂樹奸黨搖動諸副山陵未乾蕭牆
作難兵交禁省社稷殆危

御覽九十一

桓帝贊

漢德之衰有自來矣而桓帝繼之曰淫暴封殖宦豎羣妖滿側奸
黨彌興賢良被辜政荒民散亡徵漸積逮至靈帝遂傾四海豈不
痛哉

御覽九十二

靈帝贊

漢氏中興至于延平而世業損矣沖質短祚孝桓無嗣母后稱制
奸臣執政孝靈曰支庶而登至尊由蕃侯而紹皇統不恤宗緒不
祇天命上虧三光之明下傷億兆之望于時爵服橫流官曰賄成
自公侯卿士降于阜隸遷官襲級無不曰貨刑戮無辜摧扑忠良
佞諛在側直言不聞是曰賢智退而窮處忠良擯于下位遂至奸
雄蠡起法防隳壞夷狄并侵盜賊糜沸小者帶城邑大者連州郡

編戶騷動人人思亂當此之時已無天子矣會靈帝卽世盜賊相尋其後宮室焚滅郊社無主危自上起覃及華夏使京室爲墟海內蕭條豈不痛哉

御覽九十二

脩列吳事

胡冲意性調美心趣解暘有刀筆閑于時事爲中書令雖不能匡矯亦自守不苟求容媚

初學記十一

盛彥

彥字翁子廣陵人仕吳爲中書侍郎入晉爲長沙相本邑小中正太康中卒有集五卷

擊壤賦

論眾戲之爲樂獨擊壤之可娛因風託勢罪一殺口

御覽七百五十五

藏疆賦

序

余曰疆之後因祭祀餘胙要命中外曰行藏疆爲戲心悅其事故

大四百三十二
小三十

賦之云

御覽三十三又
七百五十四

通桑梓敬議

竊見今編戶之人本或僑寓則不爲所居之國脩拜揖之敬先人
舊壤追爲盡禮愚懷淺短良有疑焉夫人道繁衍宗流遐大根生
一胄枝播萬緒故繁曠之枝異統則聖人檢之曰禮憲萬條之流
難紀故王者制之曰境域是曰古人當其理也則君有常邑仕有
定邦爰及六國至于末代全固之業傾瓜分之務起農夫不得安
其耕爵士不得食其祿孔子稱危邦不入亂邦不居是爲離舊適
新之制肯否向泰之文于斯尙矣蓋離舊曰其無道適新曰其宜
宗肯否曰其多難向泰曰其可安可安則播殖于其野宜宗則振
纓于其朝在家則人理足在官則臣道備人臣之義同而彼此之
敬異余竊惑之昔孔子宋人也上自孔父逮于弗父何竝服事宋
仕有代祿至于仲尼道崇闕里乃爲魯人矣而春秋之作內魯外

宋諱我過彰彼非已此微之斷可識矣而觀今日僑居之族其先人始祖不出是國枝葉播越居之數代公實編戶而私則寓客營家則號爲借壤進官則名曰寄通高容雅步不爲有降一身居之尙在難安或父兄相承尊長遵襲近經數代遠或累朝學道講義習人之禮鄉舉里選假人之評居人之境已繁我條乘人之貨已濟我生由人之位已光我屬恃人之寵已輝我葉朝廷則祖考之所階山陵則神靈之所憑昔人思邵伯之愛尙敬甘棠之木況父母之所始卒而不知加尊推之于心豈道訓之謂哉又今人所追尊舊壤雖遠而爲之敬者何也猶已先業墳柏之故塋曩代桑梓之舊業耳蓋宗廟迭毀禮有降殺尊親之至父祖而已自此已上情輕服簡故大夫及士祭極三代明恩由近始禮已遠降也今遠禰之隳館何若近祖之先廬迭毀之墳柏何若祭祀之封塋曩代之官府何若父母之朝廷先業之園苑何若今日之丘園雖古

人有維桑與梓必恭敬止之文所謂桑梓宜曰父祖爲斷舊壤不復相由人無二主官無兩統愚謂宜爲所寓之主曰崇公敬爲先人本邦脩私敬而已散手而跪捧袖而揖曰示存舊過厚之意也

通典六

十八

與劉頌書

沙餉垂口之產

御覽八百五十七

石蜜遠國之貢味有可甘至尊曰養性

書鈔一百四十七引盛公子與劉岑書又一條作盛

公子與劉頌書公即翁之誤岑頌即頌之誤

周處

處字子隱義興陽羨人吳鄱陽太守鮐子仕吳爲東觀左丞孫皓末兼太常無難督入晉爲新平太守轉廣漢曰母老罷歸尋除楚內史遷御史中丞元康七年已建威將軍討氏羌齊萬年戰死追贈平西將軍元帝爲晉王策諡曰孝有默語三十篇風

土記三卷

奏殺李忽

覺父曰偷生破家曰邀福子圉告歸懷羸結舌忽無人子之道證父攘羊傷化汙俗宜在投畀曰彰凶逆畢刑市朝不足塞責御覽六百四十七引王隱晉書處爲中書省事時女子李忽覺父北叛時殺父處奏云云奏可

蔡珪

珪汝南人爲吳將入晉遷侍中

與弟敏書

古者兵交使在其間軍國固當舉信義曰相高而聞疆場之上往往有襲奪互市甚不可行弟慎無爲小利而忘大備也晉書周浚傳浚在弋

陽南北爲互市而諸將多相襲奪曰爲功吳將蔡敏守于沔中其兄珪爲將在秣陵與敏書

蔡洪

洪字叔開吳郡人仕吳入晉爲州從事太康中舉秀才元康初

爲松滋令有化清經十卷集二卷

圍棋賦

命班爾之妙手制朝陽之柔木取坤象于四方位將軍乎五岳然
後畫路表界玄質朱文曲直有正方而不圓算塗授卒三百惟羣
任巧于無主譬採菽乎中原于是攄妙思奮玄籌玩服色尙駢駒
旅進旅退二騎迭驅翻翻馬合落落星敷各嘯歌已發憤運變化
已相符乍侶戲鶴之千霓入類狡兔之繞丘散象乘虛之飛電聚
類絕貫之積珠然後枕已大羅繕已城郭綴已懸險經已絕落眇
望翼舒翱翔容弈彎掌南指情實西射揚塵奄迹雖動詳悉或臨
局寂然惟棋是陳靜昧無聲潛來若神抑舒之役成子之賢也或
聲手俱發誼諱操擾色類不定次措無已再衰三竭銳氣已朽登
軾望轍其亂可取也爾乃心鬪犇競勢使揮謙攜手詆欺朱顏妬
嫌然局不弘席子不盈捲乘二儀之極要握眾巧之至權若八卦

之初兆遂消息乎天文屈則尺蠖舒則龍翻崔嵬雲起龍從浪傳
峯岑山結杳如霧分靜若清夜之列宿動若流彗之互奔殿未結
而算了隸首不得窺其門扁覆亂而不惑所桑下足識其源或設
死而稱枉皋陶不能治其怨或巧逸曰樂胥后藥不足曰之讚我
云勢貌多曰孰能究傳遠來近取予一曰貫藝文類聚
七十四

鬪鳧賦

嘉乾黃之散授何氣化之有靈產羽蟲之麗鳧惟鬪鳴之最精稟
離午之淑氣體鸞鳳之妙形服文藻之華羽備豔采之翠英冠綠
葩曰曜首綴素色曰點纓性浮捷曰輕躁聲清響而好鳴感秋商
之肅烈從金氣曰出征招爽敵于戲門交武勢于川庭爾乃振勁
羽竦六翮抗嚴趾望雄敵忽雷起而電發赴洪波曰奮擊藝文類
聚九十

一御覽九
百十九

與刺史周俊書

大五百四十六
小二十二

一日侍坐言及吳士詢于芻蕘遂見下問造次承顏載辭不舉敕令條列名狀退輒思之今稱疏所知吳展字士季下邳人忠足矯非清足厲俗信可結神才堪幹世仕吳爲廣州刺史吳郡太守吳平還下邳閉門自守不交賓客誠聖王之老成明時之雋乂也朱誕字永長吳郡人體履清和黃中通理吳朝舉賢良累遷議郎今歸在家誠理物之至德清選之高望也嚴隱字仲弼吳郡人稟氣清純思度淵偉吳朝舉賢良宛陵令吳平去職九皋之鳴鶴空谷之白駒也張暘字威伯吳郡人稟性堅明志行清朗居磨涅之中無淄磷之損歲寒之松柏幽夜之逸光也

世說賞譽篇
注引洪集

孤奮論

見晉書文苑
王沈傳亡

殷興

興一作基雲陽人吳零陵太守殷禮子仕吳爲無難督入晉遷尙書左丞有春秋釋滯十卷通語十卷

通語

異宮同爵共位別職興仁隆化幽贊神明者謂之太尉和五敎理人倫使風行俗平萬國咸寧者謂之司徒使國無枉理法錯刑清事均民聚者謂之司空若仁義之路開和平之氣通則五星順行庶績咸熙

御覽二百六引古今通語

殷巨

巨字元大興子仕吳爲偏將軍統家部曲城夏口入晉歷蒼梧交阯二郡太守有集二卷

鯨魚燈賦

橫海之魚厥號爲鯨普彼鱗族莫之與京大秦美焉乃觀乃詳寫載其形託于金燈隆脊矜尾髻甲舒張垂首俛視蟠于華房狀欣欣已竦峙若將飛而未翔懷蘭膏于胸臆明制節之謹度伊工巧之奇密莫尙美于斯器因綺麗已致用設機變而罔置匪雕文之

大四百八十七
小三十五